

Roque Dirksz di GKMB

Pa decadanan largo Aruba tin atencion special riba combatimento di sangura



ORANJESTAD – Pa decadanan largo, Aruba tin atencion special riba combatimento di sangura, algo similar na e control di Vector, segun director di e departamento di GKMB, Roque

Dirksz.

E ta sigui splica cu Organizacion Mundial di Salud, WHO a proclama dia 7 di april como Dia Mundial di Salud, dedica na Vector. Vector Controle no ta solamente conta den tur

pais cu tin un departamento cu ta controla na principio di sangura, pero ta referi na tur Vector Borne Disease Insects. **Vector Borne Disease Insects**

E por ta sanguranan cu ta ocasiona malesanan manera dengue, chikungunya. Tin otro tipo di sanguranan tambe cu ta ocasiona malaria, etc. Tin otro insectonan cu tambe ta crea malesa. Ta pa e motibo aki Vector ta involvi den tur. Por bisa tambe cu un cacho cu tin carpata cu ta duna e malesa di Lyme, pa Departamento di Salud Publico tin atencion riba tur e tipo di insectonan ey.

60 aña otro aña

Aruba ta bay haci 60 aña otro aña cu nan a cuminsa cu algo similar cu e control di vector, cual ta e departamento actual di GKMB (Gele Koorts Muskieten Bestrijding). Esey ta pa ilustra cu nan a bay pa 60 aña cu na Aruba tin atencion special di departamento di salud publico pa loke ta combatimento di sangura. Aunke antes tabata Gele Koorts, awendia esaki a keda elimina. Pero si tin otro malesa, manera menciona anteriormente. Pa GKMB ta importante, mescos cu cada aña tin diferente tipo di proclamacion riba dia nacional, dia mundial, ta pone enfasis specificamente riba un topico en general.

Dia di Salud pero cu tarea diario

Den e caso di GKMB, tambe ta pa dedica full e siman aki na e tareanan cu ta wordo haci den e departamento. Cada biha ta pone enfasis pakico ta bisa un sangura. Cu un pica so di un sangura, cu por ta un posibel portador di un virus, por ta peligroso y tin caso cu ta resulta fatal. Ta pa e motibo ey ta pone enfasis riba e sangura di mas chikito, cu tin chens di por haci daño.

Pueblo a bira mas consciente

Mester por a duna un plui-mpje pa pueblo, mirando con abao e indicenan ta. Esey ta nifica cu tanto e indice di cas como e indice di container ta relativamente abao, nificando cu e cantidad di criadero a baha considerablemente. Por mira hopi esfuerso cu pueblo mes ta haci.

Hendenan mes ta check rond di nan cas y esey ta algo hopi positivo. Ta pa e motibo ey GKMB ta contento cu nan trabao ta canando bon. Si mira e ultimo 3 pa 4 aña, bayendo pa 2011 a kibra record cu tabata riba 3700 y pico caso. Despues e cifranan a keda

baha na 2012 te na 1400 y pico y awor a cera 2013 na 700 y algo, cu ta nifica cu e ta un progreso. Esaki ta muestra cu tin un bon respons di parti di pueblo.

Cooperacion

Sigur si compara nos mes cu paisnan rond den Caribe cu tin casonan serio. Pueblo a wordo gespaar dor di casonan serio na Aruba, pero esey ta debi na cooperacion d pueblo. No por bisa cu a caba y ta ay keda sin haci nada. Un tiki awasero yobe, criadero t'ey atrobe y e caso por bira mas serio.

GKMB cu investigacion

GKMB ta keda pone enfasis pa cooperacion. Naturalmente hopi biaha ora yega cerca di periodo di awasero, GKMB ta bay un tiki mas den publicidad. Apesar cu criaderonan ta abao, toch ta keda haya full aña casonan di dengue. GKMB ta sospecha y pronto lo bay lansa un investigacion grandi na Aruba, pasobra ta reparando cu poco poco ta hayando e sanguranan di Aedis Aegypti den pos. Esey GKMB ta haya cu no ta comun pasobra semper nan ta pone web den awa limpi.

Sanguranan mutante

Ta un yamada cu ta haci na tur hende, pa asina percura pa posnan ta cera.

Segun reglamento pos mester ta full seya. Si tin un tubo cu ta bay ariba pa lucht, mester tin un net riba dje. Esaki ta pa evita cu sangura normal cu tin di pos, pero tin tambe e aedis aegypti. A base di esey ta keda haci un peticion pa e pos tambe, tira un bista riba dje.

Si tin cualkier problema, tira un tiki di kerosin den dje. Awendia si no pone kerosin, ta yen di compania na Aruba cu ta bende un tipo di azeta special y ta tire den pos. E tin un duracion di 1 pa dos luna. Esaki ta keda flota den e pos y ta evita cu tur tipo di sangura no por broei.

Gino y Super Gino

GKMB ta probecha cu apesar cu tabata tin segura nan no a para keto. A crea un buki di pinta yama "Gino". Esaki ta un lespaket riba combatimento di sangura. Banda di dje a laga traha un cartoon di mas of menos 5 minuut, cu ta bay over di e Super Gino. Tur esey ta bayendo scol.

Tur scol. Ta percura pa entrante e siman aki parti'e na tur scol basico. En principio ta pa 3de klas. Intencion ta pa cuminsa motiva e muchanan. No ta motiva pueblo so cu yamadanan. Una bes mo-

tiva e muchanan, nan ta bay conta nan mayor y con cu bay bin ta haya cooperacion di tur banda e ora.

Preocupacion di PAHO/WHO

PAHO/WHO tambe a expresa nan preocupacion pa loke ta trata malesanan contagioso cu ta wordo transmiti via sangura. Segun un comunicado cu nan a publica riba nan website, mita di e poblacion di e continente Mericano, contando Noord, Central y Sur, ta den riesgo. Expertonan ta yama pa un accion di inmediato riba entre otro e virusnan di dengue, Chikungunya y tambe West Nile Virus, cu a lanta cabes den e ultimo lunanan.

Yamada pa accion

Esaki ta un "yamada pa accion" pa Dia Mundial di Salud 2014, caminda cu expertonan di salud di ambos continente Nort y Sur America y Caribe, ta urgi mas esfuerso di parti di gobierno, comunidad y individuonan pa controla e plamamento di e malesanan vector. "Nos region a ricibi hopi exito den controla malesanan vector," Director di Pan American Health Organization/World Health Organization (PAHO/WHO), Carissa F. Etienne. "Sin embargo, e exito aki ta wordo menasa pa e expansion di sangura y otro vector den un habitat nobo y pa e emergencia di resistencia di insecticida y droga. PAHO y su socionan ta yamando awe pa para duro y tuma accion den e lucha contra malesanan vector den e continente Mericano."

Malesanan vector pa un periodo largo

Den nos hemisferio, malesanan vector cu un pacto mayor den salud publico, incluyendo malaria, dengue, malesa di Chagas, schistosomiasis, West Nile Virus y malesa di Lyme (den Norte America). Algun di e malesanan aki tabata t'ey den e region pa un periodo largo, mientras cu otronan a caba di yega.

Chikungunya: esun di mas nobo

E malesa vector mas reciente pa establece su mes den e hemisferio occidental ta Chikungunya, un malesa viral transmiti pa sangura, cu a aparece pa prome biaha na Tanzania den añanan 1950.

Na december 2013, dos caso di chikungunya a wordo raporta na Sint Maarten. Pa final di maart 2014, mas cu 3000 caso a wordo confirma den 10 pais Caribense. □